

**I. ATALA****BIZKAIKO LURRALDE HISTORIKOKO FORU ADMINISTRAZIOA****Bizkaiko Foru Aldundia****Euskara, Kultura eta Kirol Saila**

Bizkaiko Foru Aldundiaren 55/2026 FORU DEKRETUA, ekainaren 4koa, foru diru-laguntzak emateko oinarri-arauak eta deialdia onartzen dituena. Diru-laguntza horiek emango zaizkie, hain zuzen ere, 2025/2026 denboraldian Bizkaiko Eskola Kirola programaren barruan sartuta dauden lehiatzeko kirol jardueretan eta/edo Heziki hezkuntza-jardueran parte hartzen duten erakundeei. Jarduera horiek Bizkaiko Foru Aldundiaren ekainaren 5eko 55/2025 Foru Dekretuak arautzen ditu.

Bizkaiko Foru Aldundiko Euskara, Kultura eta Kirol Sailak konpromisoa du eskola kirola sustatzeko, modu honetan kirola egiteko aukerak emanez (batez ere, umeei eta gazteei).

Horretarako, baditu zenbait jarduketa-ildo, eta haien asmoa da babes ekonomikoa ematea erakundeek parte har dezaten Bizkaiko Eskola Kirolaren Programan. Ildo horietariko bat da, hain zuzen ere, foru-dekretu hau, zeinak bitartekoak ezartzen baititu partzialki finantzatzeko erakundeek denboraldi honetan egiten dituzten lehiaketako kirol-jarduerak eta/edo Bizkaiko Eskola Kirolaren Programako Heziki irakaskuntza-jarduera.

Jarduera horiek Bizkaiko Foru Aldundiaren ekainaren 5eko 55/2025 Foru Dekretuak xedatzen ditu, zeinaren bidez 2025/2026 denboraldian zehar Bizkaiko Eskola Kirolaren Programa arautzen duen araudia ematen baita.

Proposatutako xedapen orokorraren gaiari dagokion eskumena Bizkaiko Foru Aldundiarena da, Autonomia-Elkarte Osorako Erakundeen eta bertako Kondaira-Lurraldeetako Foruzko Ihardutze-Erakundeen Arteko Harremanei Buruzko azaroaren 25eko 27/1983 Legearen 7.b.6 artikulua araber. Beronek dio Kondaira-Lurraldeei dagokielako Bateango Erakundeek emandako honako gaien artean osabideratu eta egipideratzea kirolaren sustapena, eta eskola-kirolentzako eta guztien kirolarentzako egitarauak.

Euskadiko Jarduera Fisikoaren eta kirolaren martxoaren 30eko 2/2023 Legearen 4. artikulua dio, halaber, lurralde historikoetako foru-organoei dagokiela Eskola-adineko jarduera fisikoaren eta kirolaren arloko Autonomia Erkidegoko araudia garatzea eta udal-administrazioarekin koordinatuta hura gauzatzea.

Bizkaiko Foru Aldundiaren abenduaren 29ko 131/2020 Foru Dekretuaren bidez onetsitako Euskara, Kultura eta Kirol Sailaren egitura organikoari buruzko araudiak dio sailari dagokiela maila guztietako kirol lehiaketak eta jarduerak sustatu eta koordinatzea, gure gizartean kirola aktiboki ager dadin eta harekiko zaletasuna bultzatzen.

Halaber, dekretu honen izapidetzean printzipio hauekin bat jarduten da: beharrezkotasuna eta eraginkortasuna, proportzionaltasuna, segurtasun juridikoa, gardentasuna, lastertasuna eta efizientzia, herritarren parte-hartzea eta kontuak ematea. Izan ere, hala ezartzen dute Bizkaiko Foru Aldundiaren ekainaren 15eko 87/2021 Foru Dekretuaren 3. artikulua (dekretu horren bidez, Bizkaiko Foru Aldundian xedapen orokorrak egiteko prozedura arautzen da) eta Administrazio Publikoen Administrazio Prozedura Erkidearen urriaren 1eko 39/2015 Legearen 129. artikulua, non printzipio horiek modu orokorrean ezartzen diren. Azkenik, maiatzaren 28ko 63/2019 Foru Dekretuan ezarritakoa betetzen da, zeinaren bidez ezartzen baitira Bizkaiko Foru Aldundiaren jardun-eremuan hizkuntza ofizialak erabiltzeko irizpideak.

Beste alde batetik, aurrerapen ekonomikoa eta soziala lortzeko, Bizkaiko Foru Aldundiak ezinbestekotzat jotzen du emakumeen eta gizonen berdintasuna benetan eta eraginkortasunez lortzeko bidean aurrera egitea eta ondore horretarako urte asko daromatza arlo horretan lanean. Ildo horretatik, dekretu honek genero-ikuspegia eta ikuspegi intersektionala txertatzen ditu, bai hura lantzean, bai aplikatzean, martxoaren 16ko 1/2023 Legegintzako Dekretuan, emakumeen eta gizonen berdintasunerako eta emakumeen aurkako indarkeria matxistarik gabe bizitzeko Legearen testu bategina onartzen duena, eta Gizonen Berdintasunerako ekainaren 20ko 4/2018 Foru Arauan adierazten



den bezala. Era berean, kontuan hartu da Bizkaiko Foru Aldundiaren 112/2024 Foru Dekretua, azaroaren 14koa, zeinaren bidez arautzen baita Bizkaiko Foru Aldundian generoaren araberako eraginaren aurretiazko ebaluazioa.

Azkenik, adierazi behar da, Bizkaiko Foru Aldundiaren ekainaren 15eko 87/2021 Foru Dekretuan ezarritakoarekin bat, dirulaguntzen dekretu hau prestatzean txosten hauek eman direla:

1. Genero-inpaktuaren aurretiazko ebaluazioa.
2. Euskara, Kultura eta Kirol sailaren txosten juridikoa.
3. Generoaren eraginaren aurretiazko ebaluazioari buruzko txostena.
4. Kontrol ekonomikoari buruzko txostena.
5. Legezketasunari buruzko txostena.

Bizkaiko Kondaira Lurraldeko Foru Erakundeen Hautapen, Antolaketa, Erregimen eta Funtzionamenduari buruzko 1987ko otsailaren 13ko 3/1987 Foru Arauaren 39.k) artikulua ezartzen du foru diputatuen eskumena dela, besteak beste, Foru Aldundiari proposamenak aurkeztea haien sailtako gaiet buruzko foru dekretuen proiektuak onar ditzan. Bestalde, Foru Administrazioak ematen dituen diru-laguntzen araubide juridiko orokorra arautzen duen 2005eko maiatzaren 31ko 5/2005 Foru Arauaren 16.1 artikulua ahalmena ematen dio Bizkaiko Foru Aldundiari diru-laguntzen emakida arautuko duten oinarriak onesteko. Eta Diru-laguntzen Erregelamendua onesten duen Bizkaiko Foru Aldundiaren 2010eko martxoaren 23ko 34/2010 Foru Dekretuaren 41.1 artikulua aukera ematen du diru-laguntzen oinarri arautzaileak eta deialdia batera izapidetzeko, eta ezartzen du Bizkaiko Foru Aldundiaren Gobernu Kontseiluari dagokiola onartzea, egintza bakarrean.

Hori dela bide, Euskara, Kultura eta Kirol Saileko foru diputatuaren ekimenez, eta aurrez Bizkaiko Foru Aldundiak azterturik, honako hau,

XEDATZEN DUT:

Artikulu Bakarra. — *Diru-laguntza foralen oinarri arautzaileak eta deialdi publikoa onestea*

Bizkaiko Foru Aldundiaren ekainaren 5eko 55/2025 Foru Dekretuaren babespean 2025/2026 denboraldian Bizkaiko Eskola Kirola programaren barruan sartuta dauden lehiatzeko kirol jardueretan eta/edo Heziki hezkuntza-jardueran parte hartzen duten erakundeei Euskara, Kultura eta Kiroleko Foru Sailak emango dizkien diru-laguntzen oinarri-arauak eta deialdia onartzen dira.

AZKEN XEDAPENAK

Azken Xedapenetako Lehenengoa. — *Erregelamendu bidez garatzeko gaikuntza*

1. Gaitu egiten da Euskara, Kultura eta Kirol Saileko foru diputatua, Foru Dekretu honetan xedatutakoa garatu, gauzatu eta aplikatzeko behar diren xedapen guztiak eman ditzan. Gaikuntza horren barruan sartzen da dagozkion diru-laguntzak ematea.

2. Halaber, Euskara, Kultura eta Kiroleko foru diputatuari ahalmena ematen zaio eskaerak aurkezteko epea luzatzeko, baldin eta dagozkion sistemaren edo aplikazioaren ohiko funtzionamendua eragozten duen gorabehera teknikoren bat gertatzen bada, Administrazio Publikoen Administrazio Prozedura Erkidearen urriaren 1eko 39/2015 Legearen 32.4 artikuluan aurreikusia.

Azken Xedapenetako Bigarrena. — *Indarrean jartzea*

Foru Dekretu hau Bizkaiko Aldizkari Ofizialean argitaratu eta biharamunean jarriko da indarrean.

Bilbon, 2026ko ekainaren 4an.

Euskara, Kultura eta Kiroleko foru diputatua,
LEIXURI ARRIZABALAGA ARRUIZA

Ahaldun Nagusia,
ELIXABETE ETXANOBE LANDAJUELA



**FORU DIRULAGUNTZEN OINARRI ARAUTZAILEAK ETA DEIALDIA,
2025/2026 DENBORALDIAN BIZKAIKO ESKOLA KIROLA PROGRAMAREN
BARRUAN SARTUTA DAUDEN LEHIATZEKO KIROL JARDUERETAN
ETA/EDO HEZIKI HEZKUNTZA-JARDUERAN PARTE HARTZEN DUTEN
ERAKUNDEENTZAKO. JARDUERA HORIEK BIZKAIKO FORU ALDUNDIAREN
EKAINAREN 5EKO 55/2025 FORU DEKRETUAK ARAUTZEN DITU**

I. TITULUA**XEDAPEN OROKORRAK****1. oinarria. – Diru-laguntzaren xedea**

1. Foru dekretu honen arabera, diru-laguntza jaso dezakete jarduera hauek: Bizkaiko Foru Aldundiaren ekainaren 5eko 55/2025 Foru Dekretuaren babespean 2025/2026 denboraldian Bizkaiko Eskola Kirola programaren barruan sartuta dauden lehiatzeko kirol jardueretan eta/edo Heziki hezkuntza-jardueran parte hartzeak.

2. Diruz laguntzeko gastutzat joko dira batere zalantzarik gabe lagundutako jardueraren izaerarekin bat datozenak, guztiz beharrezkoak direnak eta ezarritako epearen barruan egiten direnak, baina diru-laguntza jaso dezaketen gastuen eskuraketa-kostua ezin da inola ere izan merkatuko balioa baino handiagoa.

Gainera, enpresen kasuan, enpresa onuradunak merkataritza-eragiketetan egindako gastu diruz lagunduak nahitaez berankortasunari buruzko araudian aurreikusitako ordainketa-epeetan ordaindu beharko dira.

Honako hauek ez dira diruz lagundu daitezkeen gastuak:

- a) Ekipo-ondasunak erostea, baldin eta haien amortizazioa luzeagoa bada dekretu honetan jasotzen diren jarduerak egiteko epea baino.
- b) Banku-kontuetako interes zordunak.
- c) Interes, errekaritu eta zehapen administratibo eta penalak.
- d) Prozedura judizialen gastuak.
- e) Oro har, maiatzaren 31ko 5/2005 Foru Arauaren 29. artikularekin bat etorrita, beren-beregi kanpo utzitakoak.

3. Foru dekretu honen helburua erakunde eskatzaileen ekintzak babestu eta osatzea da; hori dela eta, ez dira inoiz finantzatuko jarduera egiteagatik sortutako gastu guztiak.

2. oinarria. – Erakunde onuradunak

1. Ondoko entitateek jaso ditzakete foru dekretu honetan araututako diru-laguntzak, baldin eta ez badaude 5/2005 Foru Araua, maiatzaren 31koa, Foru Administrazioak emandako diru-laguntzen araubide juridiko orokorra arautzen duena:

a) Bizkaiko Lurralde Historikoan irakaskuntza ofizialak ematen dituzten eskolak eta euren guraso elkarteak edo horiei lotutako nortasun juridikoko entitateak eta Bizkaiko Lurralde Historikoan egoitza soziala duten kirol elkarteak edo/eta kirol klubak, bai eta Bizkaiko Lurralde Historikoko udalak eta/edo udalek kirolaren arloan dituzten udal organismo autonomoak edo udal fundazio publikoak ere, baldin eta 2025/2026 denboraldian Bizkaian honako jarduera hauetakoren batean parte hartu badute:

- 1) Lehiaketa-jarduerak:
 - Udal mailako kirol anitza.
 - Aerobika.
 - Xakea.
 - Atletismoa.
 - Saskibaloia.
 - Saskibaloia 3x3.



- 5/3kako saskibaloia.
- 5eko eskubaloia.
- 7ko eskubaloia.
- Hondartzako eskubaloia.
- Beisbola.
- Txirrindularitza.
- Krosa.
- Cross Training – Herri Kirolak.
- Herri kirolak.
- Kirol eskalada.
- Esgrima.
- Alpetar eskia.
- Frontenisa.
- Areto-futbola.
- 7ko futbola.
- 11ko futbola.
- Gimnasia artistikoa.
- Gimnasia erritmikoa.
- Gimnasia jauzi-oholean.
- Hockeya.
- Patinen gaineko hockeya.
- Ilara bakarreko patinen gaineko hockeya.
- Judoa.
- Karatea.
- Borroka.
- Igeriketa.
- Igeriketa sinkronizatua.
- Orientazioa.
- Padela.
- Patinaje artistikoa.
- Patinaje lasterketak.
- Zesta-puntako pilota.
- Eskuzko pilota.
- Palako pilota.
- Trinketeko esku-pilota.
- Euskal pilota.
- Arrantza.
- Piraguismoa.
- Arrauna.
- Roller freestyle.
- Errugbia.
- Salbamendua eta Sorospena.
- Skateboarda.
- Taekwondo.
- Tenisa.



- Mahai-tenisa.
 - Arku-tiroa.
 - Triatloia.
 - Txikibox.
 - Bela.
 - Hondartzako boleibola.
 - Boleibola.
 - 3ko boleibola.
 - Waterpolo.
- 2) Hezkuntza-jarduerak:
- Heziki.
- b) Bizkaiko Lurralde Historikoan irakaskuntza ofizialak ematen dituzten eskolak edo euren guraso elkarteak edo horiei lotutako nortasun juridikoko entitateak eta Bizkaiko Lurralde Historikoan egoitza soziala duten kirol elkarteak edo/eta klubak ere, baldin eta Araba edo Gipuzkoako eskolako kiroleko jardueretan parte hartzen badute eta Bizkaiko Foru Aldundiko Euskara, Kultura eta Kiroleko Sailaren baimena badute. Entitate onuradunak izango dira, baldin eta eskola kirolaren programetan barne hartutako lehiaketako jardueraren batean parte hartu badute, hurrenez hurren, Araba edo Gipuzkoako foru aldundietan.
2. Foru dekretu honen ezarpen eremutik kanpo daude:
- a) Honako hauetan ezarritakoa betetzen ez duten erakundeak: martxoaren 30eko Euskadiko Jarduera Fisikoaren eta Kirolaren 2/2023 Legea, Eusko Jaurlaritzaren eskola kirolari buruzko uztailaren 1eko 125/2008 Dekretua, eta aplikatu daitezkeen gainontzekoak. Ez betetzeen artean, administrazio baimen adierazirik gabe Eskola Kirola programetan jasota ez dauden lehiaketak egitea dago, edo horietarako arauz ezarritako eremu geografikoa ez errespetatzea.
 - b) Bizkaiko Foru Aldundiaren ekainaren 5eko 55/2025 Foru Dekretuarekin bat Bizkaiko Eskola kiroleko programan parte hartzeko izena eman ez duten entitateak, 2. oinarriko 1.b) puntukoak salbu.
 - c) Foru dekretu arautzaile honen 2. oinarriko lehen idatz-zatiko jardueretako batean ere parte hartu ez duten entitateak edo izena emandako jardueratik alde egiten dutenak.
 - d) Eskola-kiroleko lehiaketen diziplina-araubideari buruzko uztailaren 23ko Eusko Jaurlaritzaren 391/2013 Dekretuan edo, haren ordeztan, martxoaren 30eko Euskadiko Jarduera Fisikoaren eta Kirolaren 2/2023 Legean jasotako falta oso larriren bat egiteagatik zehapenen bat jaso duten entitateak.
 - e) Foru dekretu honen ezarpen eremutik kanpo daude, baina kasuan kasuko kirol modalitateari dagokionez soilik, Eskola-kiroleko lehiaketen diziplina-araubideari buruzko uztailaren 23ko Eusko Jaurlaritzaren 391/2013 Dekretuan edo, haren ordeztan, martxoaren 30eko Euskadiko Jarduera Fisikoaren eta Kirolaren 2/2023 Legean jasotako falta larriren bat egiteagatik zehapenen bat jaso duten entitateak.
 - f) Bizkaiko Foru Aldundiko Euskara, Kultura eta Kirol Sailak baimendu ez dituen kirol jarduerak antolatzen dituzten entitateak edo jarduera horietan parte hartu dutenak, zein emaitzak lortze hutsagatik deialdiak egin dituztenak, Bizkaiko Foru Aldundiaren ekainaren 5eko 55/2025 Foru Dekretuak xedatzen duenaren arabera.
 - g) Bizkaiko Eskola Kirola programak 2025/2026 denboraldian izango duen arautegia ebatzen duen Bizkaiko Foru Aldundiaren Bizkaiko Foru Aldundiaren ekainaren 5eko 55/2025 Foru Dekretuaren 16.2 oinarria betetzen ez duten gizonezkoen Futboleko eta Futbol mistoko kirol modalitateetan (F7 eta F11) parte hartzen duten Bizkaiko Kirol Elkarte edota Klubek, alegia, aurreko denboraldian izena emandako kirolarien %85a mantentzen ez dutenek.



- h) Eskola Kirolen Programako lehiaketa-jarduerak amaitu aurretik, dagokion modalitatean, Kirol Zerbitzuak erakartze-jardunaldiak edo antzekoak antolatu dituztela egiaztatuta duten erakundeak.
- i) Kirol Zerbitzuak Eskola Kirolaren Programako edozein lehiaketetara bertaratutakoiei sarrera kobratu dietela egiaztatuta duten erakundeak.
- j) Ongizate arduradunak haurren eta nerabeen ongizate arloan eskatzen den presakuntza daukala egiaztaturik ez daukaten entitateak.
- k) Kirol-arduradunek kirolean edo antzekoetan haurrak zaintzeko eta babesteko sensibilizazio-ikastaroa egin izana egiaztatzen ez duten erakundeak. Egiaztatuta ez duten entrenatzaileen kasuan, entrenatzaile horiek zuzentzen duten taldea edo taldeak kanpoan utziko dira.
- l) Foru dekretu honen ezarpen eremutik kanpo daude, baina kasuan kasuko kirol modalitateari dagokionez soilik, 2025/2026 denboraldian Bizkaiko Eskola Kirolaren Programa arautzen duen Bizkaiko Foru Aldundiaren ekainaren 5eko 55/2025 Foru Dekretuaren 18.1 oinarrian eskatzen den kirol-arduradunaren titulazioa egiaztatuta ez duten erakundeak. Halaber, zuzentzen duten taldeari edo taldeei dagokienez, kanpoan uzten dira aipatutako titulazioa egiaztatzen ez duten entrenatzaileen entitateak.

3. Foru dekretu honen xede diren jardueretan parte hartzeagatik onuradun izan litezkeen entitateek ez dute diru-laguntzarik jasoko laguntzak jasotzetik baztertuta geratu diren kirolari edo taldeengatik; baztertuta geratu behar izan dira, hain zuzen ere, Bizkaiko Eskola Kirola Programan jasota ez dauden egoeratarako baimena emateko prozedura arautzen duen Foru Aginduaren arabera.

4. Era berean, honako pertsona fisika edo juridiko hauek ezin izango dute diru-laguntzarik jaso:

- a) Sexuarengatik edonolako diskriminaziorik sortzeagatik edo berdintasunaren arloan indarrean dagoen araudia ez betetzeagatik, zehapen administratibo, laboral edo penalen bat jaso dutenak, zehapenean ezarritako epean zehar.
- b) Beren helburuak, onarpen- edo sarbide-sistema, funtzionamendua, ibilbidea edo estatutuak emakumeen eta gizonen berdintasunaren printzipioaren aurkakoak badira.
- c) LGTBI pertsonak eta beste kolektibo batzuetako pertsonak diskriminatzeagatik edo tratu-berdintasunaren eta diskriminaziorik ezaren arloan indarrean dagoen araudia ez betetzeagatik, zehapen administratibo edo penalen bat jaso dutenak, zehapenean ezarritako epean zehar.
- d) Hala badagokio, emakumeen eta gizonen berdintasunaren arloko araudian ezarritako baldintzetan, berdintasun-planak eta sexu-jazarpena, sexuan oinarritutako jazarpena eta sexu-indarkeriak prebenitzeko eta halakoei aurre egiteko neurriak jasotzen dituzten protokoloak eta/edo dokumentuak izateko betebeharra bete ez dutenak.

II. TITULUA

ARAUBIDE JURIDIKOA

3. oinarria.— *Araudi aplikagarria*

Foru-dekretu honetan jasota ez dagoenerako, honako hauek ezarriko dira: Foru Administrazioak ematen dituen diru-laguntzen araubide juridiko orokorra arautzen duen maiatzaren 31ko 5/2005 Foru Araua, martxoaren 23ko 34/2010 Foru Dekretuaren bidez onetsitako Diru-laguntzen Erregelamendua, Administrazioen Publikoen Administrazio Prozedura Erkidearen urriaren 1eko 39/2015 Legea, Sektore Publikoaren Araubide Juridikoaren urriaren 1eko 40/2015 Legea, 4/2010 Errege Dekretua, urtarrilaren 8koa, Administrazio Elektronikokoaren esparruan Elkarreragingarritasunaren Eskema Nazionala arautzen duena, 311/2022 Errege Dekretua, maiatzaren 3koa, Segurtasuneko Eskema



Nazionala arautzen duena eta beste edozein xedapen arauemaile, berak duen izaeragatik ezartzeko modukoa baldin bada.

Bizkaiko Gardentasunari buruzko otsailaren 17ko 1/2016 Foru Araua erakunde pribatu hauei aplikatuko zaie: aurrekontu-ekitaldian zehar Bizkaiko Foru Aldundiaren 100.000 euro edo gehiagoko laguntzak edo diru-laguntzak jasotzen dituztenei edo haien urteko diru-sarreraren %40 Aldundiaren laguntzetatik edo diru-laguntzetatik badator, betiere gutxienez 5.000 euro badira.

4. oinarria. — Arau-hausteak eta zehapenak

Arau-hauste eta zehapenei dagokienez, Foru Administrazioak ematen dituen diru-laguntzen araubide juridiko orokorra arautzen duen 2005eko maiatzaren 31ko 5/2005 Foru Arauaren IV. tituluan xedatutakoa ezarriko da, bai eta arau hori garatzen duen erregelamenduaren IV. tituluan xedatutakoa ere.

III. TITULUA

PROZEDURA

5. oinarria. — Eskabideak aurkezteko lekua eta epea

1. Administrazio Publikoen Administrazio Prozedura Erkidearen urriaren 1eko 39/2015 Legearen 14.2.a) artikulua araberako, diru-laguntzetarako eskabideak Bizkaiko Foru Aldundiaren egoitza elektronikoa bidez aurkeztu beharko dira:

<https://www.ebizkaia.eus/es/hasiera>

2. Eskabideak aurkezteko epea hamabost (15) egun naturalekoa izango da, foru dekretu hau Bizkaiko Aldizkari Ofizialean argitaratu eta hurrengo egunetik aurrera.

3. Eskabide bat baino gehiago aurkeztzen badira, baliozkotzat joko da eta izapidetuko da soilik eskabideak aurkezteko epearen barruan egin den azken eskabidea.

6. oinarria. — Eskabidearekin batera aurkeztu beharreko agiriak eta betekizunak

1. Eskabideak aurkezteko, 39/2015 Legearen 66.6 artikuluan ezarritakoarekin bat, Bizkaiko Foru Aldundiaren egoitza elektronikoa bete eta aurkezteko dauden berariazko ereduak erabili behar dira:

<https://www.ebizkaia.eus/eu/hasiera>

2. Dokumentazio hau erantsi beharko da:

a) Desgaitasuna izateagatik diru-laguntza gehiago jaso dezaketen pertsona teknikoak, kirolariak edo ongizatearen arduradunak badira: %33ko desgaitasuna edo hortik gorakoa duela egiaztatzen duen agiria, Adin Nagusikoen eta Gizarte Zerbitzuen Institutuak, Bizkaiko Foru Aldundiko Gizarte Ekintza Sailak edo erakunde baliokideak emandakoa.

b) Kudeaketa integralaren hobekuntzarekin lotutako beste erakunde ofizial batzuek emandako ziurtagiriak eta haien edukia (soilik ez badira bikaintasunarekiko konpromisoarenak).

c) Legezko edo borondatezko ordezkari zuzenbidean baliozkoa den edozein birtartekoren bidez egiaztatu beharko da.

3. Era berean, erantzukizunpeko adierazpena aurkeztu beharko da, erakundeko eskola-kiroleko kirol-arduradunari jakinarazi zaiola, hark berariaz kontrakoa adierazi ezean, Bizkaiko Foru Aldundiak, ahal denean, elkarreraginean jardungo duela bere lan-bizitzari eta euskara-mailari buruzko datuak lortzeko. Hori guztia dekretu honen 10.b).2 oinarriko balorazioa egiteko.

4. Entitateek ziurtatu behar dute haiei zerbitzu ematen dieten lan-kontratadun langile, langile boluntario eta/edo laguntzaile guztietatik, baldin eta adingabeekin harremana izan ohi badute, inor ez dagoela epai irmoz kondenaturik sexu-askatasun eta sexu-ukigabetasunaren aurkako delituen batengatik, prostituzio delituengatik, sexu-esplotazioagatik edo adingabeak galbideratzeagatik, ez eta gizakien salerosketa delituen



batengatik ere, Adingabeen Babes Juridikoari buruzko urtarrilaren 15eko 1/1996 Lege Organikoaren 13.5 artikulua arabera.

5. Bizkaiko Gardentasunari buruzko otsailaren 17ko 1/2016 Foru Arauaren 2. artikulua aintzat harturik, adierazi beharko da zein diren erakundeak urtean aurreikusten dituen diru-sarrera guztiak.

7. oinarria. — Dokumentazio egiaztagarria

Dauden datu-bitartekarizarako sistemen bidez, Bizkaiko Elkarreragingarritasun No-doa erabilita, Euskara, Kultura eta Kiroleko Foru Saileko Kirol Zerbitzuak egiaztatu eta kontsultatu egingo ditu administrazio publikoek dituzten datuak, dekretu honen izapidetze administratiborako beharrezkoak direnean, interesdunak modu espresuan kontra dagoela adierazten ez badu. Kontra egonez gero, arrazoiak adierazteaz gainera, behar diren datuak edo dokumentuak aurkeztu beharko dira.

Datu horiek honako hauek dira:

- a) Banku kontuaren titulartasun datuak.
Eskatzaileak uko egiten badio administrazioak bere bitartekoak erabiliz bankuko datuak egiaztatzeari, banku-helbideratzearen fitxa behar bezala beteta aurkeztu beharko da.
- b) Zerga-betebeharrak egunean dituela egiaztatzen duen ziurtagiria.
- c) Gizarte Segurantzarekiko betebeharrak egunean dituela egiaztatzen duen ziurtagiria.
- d) Erakundeko eskola-kiroleko kirol-arduradunaren C1 euskara-titulazioa edo horren baliokidea.
- e) Erakundeko eskola-kiroleko kirol-arduradunaren lan-bizitzaren ziurtagiria, 2025eko irailaren 1etik 2026ko ekainaren 30era.

Arrazoi teknikoak direla eta, ezinezkoa bada elkarreragingarritasunera jotzea, Kirol Zerbitzuak izapideak egiteko beharrezkotzat jotzen dituen datuak edo dokumentuak eskatu ahal izango ditu.

Datu pertsonalak eskuratzeko modua bat etorriko da Datu pertsonalen tratamenduari eta datu horien zirkulazio askeari dagokienez pertsona fisikoak babesteari buruzko Europako Parlamentuaren eta Kontseiluaren 2016ko apirilaren 27ko 2016/679 Erregelamenduan (EB) eta erregelamendu hori garatzen duen araudian ezarritakoarekin bat, bai eta Datu pertsonalak babestu eta eskubide digitalak bermatzeko abenduaren 5eko 3/2018 Lege Organikoan ezarritakoarekin bat etorritik.

8. oinarria. — Eskatera zuzendu eta hobetzea

1. Eskabideak behar bezala beteta ez badaude, edo eskabidearekin batera foru dekretu honetan eskatutako agirietakoren bat aurkeztu ez bada, orduan erakunde interesdunari errekerimendua egingo zaio, hamar (10) eguneko epearen barruan hutsunea zuzendu edo beharrezko agiriak aurkez ditzan; hala egiten ez badu, eskabidean atzera egin duela ulertuko dela eta, behin ebazpena emanda, eskabidea artxibatu egingo dela adieraziko zaio.

2. Edonola ere, Kirol Zerbitzuak, aurkezten diren eskabideak behar bezala ulertzeko eta ebaluatzeko beharrezkotzat jotzen duen informazio osagarri guztia eskatu ahal izango du.

9. oinarria. — Diru-laguntza emateko prozedura

Laguntzak emateko prozedura ezohikoa den hainbanaketa sistema izango da; Foru Administrazioak ematen dituen diru-laguntzen araubide juridiko orokorra arautzen duen maiatzaren 31ko 5/2005 Foru Arauaren 20.1 artikuluan aurrez ikusita dago sistema hori.

Hainbanaketa sistema erabiltzeko arrazoiak da deialdi hau eskolei, guraso elkarteei eta eurei lotutako entitatei eta kirol elkarteei edo/eta klubei zuzenduta dagoela, bai eta Bizkaiko Lurralde Historikoko udalei eta/edo udalek kirolaren arloan dituzten udal orga-



nismo autonomoei edo udal fundazio publikoei ere. Aurreko horiek guztiek, Foru dekretu honek ezartzen dituen baldintza batzuk aurretiaz beteta dituztela eta burutu dituzten jarduerak konparatu gabe, diru-laguntza jasoko dute eskarian aurkeztutako datuetan oinarrituta 10. oinarriko ebaluazio-irizpideen arabera. Artikulu horretako azken lerrokadan oinarriak ezartzen dira hainbanaketa egiteko, eta hainbanaketaren bidez, diru-laguntza bakoitzaren zenbatekoa kalkulatu da.

Horrela, foru dekretu honetan ezarritako betekizunak betetzen dituzten eskabideei puntuak ezarri eta baloratu ondoren, aurrekontu muga proiektu eskatzaile bakoitzari ezartzen zaion foru dekretuaren 10. oinarriko puntu eta zenbatekoen artean hainbanatuko da.

10. oinarria. — Diru-laguntzak baloratzeko irizpideak

Diru-laguntzak entitate eskatzaileen artean banatzeko, irizpide hauei jarraituko zaie:

a) Parte-hartzea:

1) Taldeko modalitateetan parte hartzea:

Parte hartzeagatik, gehienez, hogeituro (20 euro) emango dira taldean inskribatutako kirolari bakoitzeko. Zenbateko hori %15 gehituko da kasu hauetan:

— Emakumeak badira.

— %33ko desgaitasuna edo hortik gorakoa dutela egiaztatzen duen agiria duten pertsonak badira; agiri hori Adin Nagusikoen eta Gizarte Zerbitzuen Institutuak, Bizkaiko Foru Aldundiko Gizarte Ekintza Sailak edo erakunde baliokideak emandakoa izan behar da.

— Herri kiroletan parte hartzen duten pertsonak badira.

Puntuazioa gehitzeko ehunekoak metatu egingo dira aurreko baldintza horietako (emakumea, desgaitua, Herri kirola) bat baino gehiago betetzen dituzten pertsonen kasuan, eta, gehienez ere, %45 gehitu ahal izango da puntuazioa.

2025/2026 denboraldian Bizkaiko Eskola Kirolaren Programa arautzen duen Bizkaiko Foru Aldundiaren ekainaren 5eko 55/2025 Foru Dekretuak, 18.1 oinarrian eskatutako titulazioa egiaztatuta ez duten entrenatzaileen taldeak ez dira baloratuko aurreko puntuen arabera.

2) Banakako kirol modalitateetan parte-hartzea.

Parte hartzeagatik, gehienez ere hogeituro (20 euro) diru-laguntza emango da izena emandako kirolari bakoitzeko. Zenbateko hori % 15 gehituko da kasu hauetan:

— Emakumeak badira.

— %33ko desgaitasuna edo hortik gorakoa dutela egiaztatzen duen agiria duten pertsonak badira; agiri hori Adin Nagusikoen eta Gizarte Zerbitzuen Institutuak, Bizkaiko Foru Aldundiko Gizarte Ekintza Sailak edo erakunde baliokideak emandakoa izan behar da.

— Arraunean parte hartzen duten pertsonak badira.

Puntuazioa gehitzeko ehunekoak metatu egingo dira aurreko baldintza horietako (emakumea, desgaitua, Arrauna) bat baino gehiago betetzen dituzten pertsonen kasuan, eta, gehienez ere, %45 gehitu ahal izango da puntuazioa.

Diru-laguntza jasotzeko eskubidea duten kirolari kopurua zehazteko, jardunaldi bakoitzeko kirolari kopurua (jardunaldien akten arabera) zaitutuko da jokaturako jardunaldiengatik.

2025/2026 denboraldian Bizkaiko Eskola Kirolaren Programa arautzen duen Bizkaiko Foru Aldundiaren ekainaren 5eko 55/2025 Foru Dekretuak, 18.1 oinarrian eskatutako titulazioa egiaztatuta ez duten entrenatzaileen taldeak ez dira baloratuko aurreko puntuen arabera.



- 3) Hezikin parte hartzea:
- Parte hartzeagatik, gehienez ere hogeituroko (20 euro) diru-laguntza emango da izena eman duen kirolari bakoitzeko. Zenbateko hori %15 gehituko da kasu hauetan:
- Emakumeak badira.
 - %33ko desgaitasuna edo hortik gorakoa dutela egiaztatzen duen agiria duten pertsonak badira; agiri hori Adin Nagusikoen eta Gizarte Zerbitzuen Institutuak, Bizkaiko Foru Aldundiko Gizarte Ekintza Sailak edo erakunde baliokideak emandakoa izan behar da.
- Puntuazioa gehitzeko ehunekoak metatu egingo dira aurreko baldintzetako (emakumea, desgaitua) bat baino gehiago betetzen dituzten pertsonen kasuan, eta, gehienez ere, %30 gehitu ahal izango da puntuazioa.
- Diru-laguntza jasotzeko eskubidea duten kirolari kopurua zehazteko, jardunaldi bakoitzeko kirolari kopurua (jardunaldien akten arabera) zatituko da jokaturako jardunaldiengatik.
- 2025/2026 denboraldian Bizkaiko Eskola Kirolaren Programa arautzen duen Bizkaiko Foru Aldundiaren ekainaren 5eko 55/2025 Foru Dekretuak, 18.1 oinarrian eskatutako titulazioa egiaztatuta ez duten entrenatzaileen taldeak ez dira baloratuko aurreko puntuen arabera.
- 4) Kirol Hastapenean parte hartzea:
- Udal mailako kirol anitzean, gehienez ere seiehun euroko (600 euro) diru-laguntza emango da izena eman duen talde bakoitzeko.
- Hezikin, gehienez ere seiehun euroko (600 euro) diru-laguntza emango da diru laguntza eskubidedun 6 kirolariko (hots, aktetan jasotako kirolari parte hartzaileen batura zati jardunaldi kopurua).
- 6ko kirolari kopurua gaingiduz gero, gehienez ere seiehun euroko (600 euro) diru-laguntza emango da beste kirolari seikote bakoitzeko edo frakzioko.
- Hezikin eta Udal mailako kirol anitzean, bietan, taldea duten erakundeek, gainera, seiehun euro (600 euro) jasoko dituzte, gehienez.
- 5) Kirol-modalitate batean baino gehiagotan parte hartzen duten erakundeek, gainera, seiehun euro (600 €) jasoko dituzte, gehienez.
- 6) Arbitrajeak (futboleko modalitatean baino ez):
- Arbitratutako partidako, gehienez, hogeita lau euro eta berrogei zentimoko (24,40 euro) diru-laguntza emango da, lurralde-federazioak arbitroa aukeratu duen partidetan izan ezik. Dirua etxeko taldeari ordainduko zaio.
- b) Kudeaketa aurreratua.
- 1) Teknikarien eta ongizatearen arduradunaren prestakuntza:
- Diru-laguntzarako eskubidea duen pertsonal teknikoa izateko, kirol arduradun edo entrenatzaile gisa inskribatuta egon behar da.
- Puntu bakoitzeko, gehienez, berrogeita hamar euroko (50 euro) diru-laguntza emango da.
- Pertsonal teknikoa prestatzeko diru-laguntzaren zenbatekoa behean datoren baremoaren arabera emango da.



Entitateko kirol arduradunaren balorazioa / Valoración Responsable Deportivo de la entidad Egiaztagir/titulazio arloak - Áreas de titulación/certificación		
Puntuak Puntos	Kirol titulazioa T. Deportiva	Titulazio akademikoa T. académica
19		Gorputz-Hezkuntza liz. edo g./ Jarduera fisikoaren eta kirolaren Zientzietako liz. edo g. L. o G. en Educación física / L. o G. en Ciencias de la Actividad Física y el Deporte Goi Kirol Teknikaria / Técnico/a deportivo superior en...
11		Magisteritza, G.H. edo Magisteritzan G.H. g. / Magisterio E.F. o G. en Magisterio E.F. Gorputz eta kirol-jardueren animazioko goi-mailako zikloa / Ciclo de grado superior de animación de actividades físicas y deportivas
7	Entrenatzaile nazionala Entrenador/a nacional III. Maila / Nivel III	Goi-mailako zikloa Gizarteko eta kiroletako irakaskuntzako eta animazioko goi-mailako teknikaria Ciclo de grado superior de Técnico/a Superior en Enseñanza y Animación Sociodeportiva

Aurreko taulari dagokionez, tituluaren puntuazioa ez da metatuko, hau da, puntu gehien dituen titulua baloratuko da, hori kirol arloko titulua, akademikoa edo bestelakoa den kontuan hartu gabe.

Parte hartzeko gutxienerako titulazioa eskatzen duten kirol-modalitateetan eskatutakoa baino goragoko titulazio bat baino ez da baloratuko.

Entrenatzaileen balorazioa / Valoración entrenadoras y entrenadores Egiaztagir/titulazio arloak - Áreas de titulación/certificación		
Puntuak Puntos	Kirol titulazioa T. Deportiva	Titulazio akademikoa T. académica
9	Entrenatzaile nazionala Entrenador/a nacional III. Maila / Nivel III	Gorputz-Hezkuntzan liz. edo g./ Jarduera fisikoaren eta kirolaren Zientzietako liz. edo g. L. o G. en Educación física / L. o G. en Ciencias de la Actividad Física y el Deporte Goi Kirol Teknikaria / Técnico deportivo superior en...
6	Herrialdeko entrenatzailea Entrenador/a regional II. Maila / Nivel II	Magisteritza, G.H. edo Magisteritzan G.H. g. Magisterio E.F. o G. en Magisterio E.F. Gorputz eta kirol-jardueren animazioko goi-mailako zikloa Ciclo de grado superior en animación de actividades físicas y deportivas Goi-mailako zikloa Gizarteko eta kiroletako irakaskuntzako eta animazioko goi-mailako teknikaria Ciclo de grado superior de Técnico/a Superior en Enseñanza y Animación Sociodeportiva Kirol Teknikaria / Técnico deportivo en...
4	I. Maila / Nivel I	Natur ingurunean kirol jarduera fisikoak bideratzeko erdi mailako zikloa Ciclo de grado medio conducción de actividades físicas y deportivas en el medio natural

Aurreko taulari dagokionez, tituluaren puntuazioa ez da metatuko, hau da, puntu gehien dituen titulua baloratuko da, hori kirol arloko titulua, akademikoa edo bestelakoa den kontuan hartu gabe.

Parte hartzeko gutxienerako titulazioa eskatzen duten kirol-modalitateetan eskatutakoa baino goragoko titulazio bat baino ez da baloratuko.

Banakako lehiaketa-jardueretan, dirulaguntza jasotzeko eskubidea duten entrenatzaileen kopurua dagokion modalitateko lehiaketa-jardunaldietan parte hartu duten kirolarien batez bestekoaren arabera kalkulatu da.



Ongizate arduradunen balorazioa / Valoración responsables de bienestar Egiaztagiri/titulazio arloak - Áreas de titulación/certificación		
Puntuak Puntos	Kirol titulazioa T. Deportiva	Titulazio akademikoa T. académica
10		Unibertsitateko graduondokoa: Kirola, Hezkuntza eta Elkarbizitza: Haur eta Nerabeen Babesa edota antzekoak Posgrado universitario: Deporte, Educación y Convivencia: Protección de la infancia y la Adolescencia y similares
3		Unibertsitateko mikrokredentziala: Kirol-ingurune seguruak: Haur eta nerabeen babesa Microcredencial universitario: Entornos Deportivos Seguros: Protección de la Infancia y la Adolescencia

Titulazio arloei buruzko taulen arabera, kirol arduradunek, ongizate arduradunek eta/edo entrenatzaileek lortutako puntuazioa gehitu egingo da, honako irizpide hauekin bat etorrira:

Jardunaldietara joatea eta titulazioa	
0,5 puntu	Bizkaiko Foru Aldundiak antolatutako eskola kirolari buruzko jardunaldietariko bakoitzera joateagatik (gehienez 2,5 puntu).
2 puntu	Titulazio arlo biri dagokien titulazioa aurkezteagatik.

Kirol arduradunek, ongizate arduradunek eta entrenatzaileek lortutako puntuazioa %15 gehituko da baldin eta:

- Emakumeak badira.
- %33ko desgaitasuna edo hortik gorakoa dutela egiaztatzen duen agiria duten pertsonak badira; agiri hori Adin Nagusikoen eta Gizarte Zerbitzuen Institutuak, Bizkaiko Foru Aldundiko Gizarte Ekintza Sailak edo erakunde baliokideak emandakoa izan behar da.

Entrenatzaileek lortutako puntuazioa %15 gehituko da Arraunean, Herri Kiroletan edo/eta Udal mailako kirol anitzeko jardueran parte hartzen badute.

Hemen adierazitako ehunekoak hasierako puntuazioari gehituko zaizkio eta, gehienez ere, %45 gehitu ahal izango da puntuazioa.

- 2) Eskola Kirolean kirol-arduradunaren erakundearekiko lan-harremana eta euskarako titulazioa.

- Koordinatzaile edo kirol arduradunaren lan-kontratu bidezko erakundearekiko lotura, beti ere adieraziz dagokion denboraldian Eskola Kirolari eskaintako ordu kopurua: 30 puntu, gehienez.

Irizpide horren balorazioa kontratu-orduen kopuruaren eta erakundearen dimentsioaren arabera egingo da:

Entitatearen tamaina Dimensión de la entidad		Diruz lagunduko daitezkeen orduak hilean (gehienezko puntuagarria) Horas mensuales (máximo puntuable)	Puntuak (gehienez 30) Puntos (hasta un máximo de 30)
A	Eskola kirolean izena emandako kirolariak: 1 eta 49 artean 1 a 49 deportistas inscritos en deporte escolar	30	30
B	Eskola kirolean izena emandako kirolariak: 50 eta 99 artean 50 a 99 deportistas inscritos en deporte escolar	60	30
C	Eskola kirolean izena emandako kirolariak: 100 eta 249 artean 100 a 249 deportistas inscritos en deporte escolar	120	30



Entitatearen tamaina Dimensión de la entidad		Diruz lagunduko daitezkeen orduak hilean (gehieneko puntuagarria) Horas mensuales (máximo puntuable)	Puntuak (gehienez 30) Puntos (hasta un máximo de 30)
D	Eskola kirolean izena emandako kirolariak: 250 edo gehiago 250 deportistas o más, inscritos en deporte escolar	160	30

Hileko ordu-kopurua txikiagoa balitz, puntuak modu proportzionalen kalkulatuko lirateke.

Bizkaiko Foru Aldundiko Kirol Zerbitzuak egiaztatuko ditu erakundeko Eskola Kirolaren kirol arduradunaren kontratazioko datuak, Eskola Kirola kudeatzen duen programan dagoen informazioarekin bat etorrira.

Eskabideak aurkezteko epea amaitzen denean kudeaketa-programa horretan agertzen diren kontratazio-datuak baino ez dira kontuan hartuko datuen balorazioa egiteko.

— Euskarako C1 titulua edo baliokideak: 15 puntu.

Bizkaiko Foru Aldundiko Kirol Zerbitzuak egiaztatuko du prestakuntza hori, Eskola Kirola kudeatzen duen programan dagoen informazioarekin bat etorrira.

Eskabideak aurkezteko epea amaitzen denean kudeaketa-programa horretan agertzen diren prestakuntza-datuak baino ez dira kontuan hartuko balorazioa egiteko.

Gehienez berrogeita hamar euroko (50 €) diru-laguntza emango da 2. atal honetan lortutako puntu bakoitzeko.

Lotutako edo elkartutako erakundeek (ikastetxeak, gurasoen elkarteak, kirol-elkarteak eta/edo egoitza sozial berdina edo antzeko izen soziala duten kirol-klubak) hainbanatu egingo dute b) Kudeaketa aurreratua ataleko 1) eta 2) puntuetan lortutako puntuazioa, kirol- eta ongizate-arduradun edo entrenatzaile partekatu bakoitzeko.

3) Eskabidea egiten duen entitateak kudeaketa integrala hobetzeko sistema martxan jartzea:

— Kudeaketa Aurreratuari Diploma, indarrean: 25 puntu.

— Kudeaketa Aurreratuari Aintzatespena, indarrean: 35 puntu brontzezkoak, 45 puntu zilarrezkoak eta 55 urrezkoak.

— Kudeaketa Aurreratuari Euskal Saria, indarrean: 65 puntu.

— Hobekuntzarekin lotutako beste erakunde onetsiek emandako ziurtagiriak: 25 puntura arte, beronen maila eta edukiaren arabera.

Gehienez berrogeita hamar euroko (50 euro) ditu-laguntza emango da 3. atal honetan lortutako puntu bakoitzeko.

11. oinarria.— **Aholkularitza**

Euskara, Kultura eta Kirol Saileko Kirol Zerbitzuak behar den laguntza tekniko edo aholkularitza eskainiko ditu foru dekretu hau dela-eta sortutako zalantza edo kontsulta guztiak argitzeko, web-orri honen bidez:

<http://www.bizkaia.eus/laguntzaileKirolak>

12. oinarria.— **Ebazpena**

1. Foru Administrazioak ematen dituen diru-laguntzen araubide juridiko orokorra arautzen duen 2005eko maiatzaren 31ko 5/2005 Foru Arauaren 22.4. artikuluan xedatutakoa betez, deialdi honetan, entitate interesdunei ez zaie, lehenbizi behin-behineko ebazpen-proposamena eman, eta, gero, entzunaldiaren izapidea eskainiko, zeren pro-



zeduran entitate interesdunek ekarri dituzten egitateak, alegazioak eta frogak besterik ez baitira jaso eta kontuan hartuko.

2. Deialdia ebatzi baino lehen, Kirol Zerbitzuak egiaztatuko du ea eskatzaileek egunean dituen zerga-betebeharrak eta Gizarte Segurantzari dagozkionak. Halaber, egiaztatuko du ez direla zordun diru laguntza itzuli behar dutela-eta. Aurreko guztia egiaztatu ondoren ikusten bada eskatzailearen batek betebehar horietako edozein ez duela betetzen, errekerimendua egingo zaio 10 eguneko epean egoera hori erregulariza dezan, eta ohartaraziko zaio, horrela egiten ez badu, eskaeran atzera egin duela ulertuko dela, behin ebazpena emanda.

3. Eskabideei buruzko ebazpena emateko eta jakinarazteko epea 5 hilabete izango da, gehienez, eskabideak aurkezteko epea amaitzen denetik zenbatuta. Euskara, Kultura eta Kiroleko foru diputatuak emango du ebazpena, Bizkaiko Foru Aldundiko Kirol Zerbitzuaren txostena jaso ondoren.

Epe hori eskabideari buruzko ebazpen espresurik eman eta jakinarazi gabe igarotzen bada, eskabidea ezetsizat joko da; hala ere, geroago ebazpen espresua eman ahal izango da.

4. Deialdi hau ebazteko ematen den foru agindua deialdi publiko honetako interesdunei jakinaraziko zaie; horretarako, Bizkaiko Aldizkari Ofizialean argitaratuko da. Egoitzan agertzeko sistemaren bidez ere komunikatuko da.

Foru agindu horretan berariaz jasoko da ebazpenak administrazio-bidea agortzen duela eta entitate interesdunak aukerako berraztertze errekurtsua jar dezakeela foru agindu horren aurka, Bizkaiko Foru Aldundiko Euskara, Kultura eta Kiroleko foru diputatu andrearen aurrean, hilabeteko (1) epean, edo administrazioarekiko auzi-errekurtsua bi (2) hilabeteko epearen barruan; epeok jakinarazpena egin eta biharamunean hasiko dira zenbatzen.

13. oinarria.— *Bateragarritasuna beste diru-laguntza batzuekin*

1. Foru dekretu honen babesean emandako diru-laguntzak bateragarriak izango dira helburu bererako Estatuko, Europar Batasuneko edo nazioarteko edozein administraziok edo erakunde publikok zein pribatuk ematen dituzten diru-laguntza, laguntza, diru-sarrera edo baliabideekin, Bizkaiko Foru Aldundiko beste sail batzuetatik datozenekin izan ezik.

2. Foru dekretu honetan jasotako diru-laguntzek Batzordearen 2023ko abenduaren 13ko 2023/2831 (EB) Araudian xedatutakoa bete beharko dute. Araudi hori 2023ko abenduaren 15eko Europako Erkidegoen Aldizkari Ofizialean argitaratu zen (2831. zenbakian), eta Europar Batasunaren Funtzionamenduari buruzko Itunaren 107. eta 108. artikulua minimis laguntzei aplikatzei buruzkoa da.

Ondorioz, emandako minimis laguntza, guztira, ezin izango da 300.000 eurotik gorakoa izan dirulaguntza eman aurreko hiru urteetan, datatik datara zenbatuta.

3. Diru-laguntza emateko kontuan hartu diren inguruabarretakoren bat aldatzen bada, eta betiere aldi berean udalerrietako, autonomia-erkidegoetako, estatuko edo nazioarteko beste administrazio edo erakunde publiko batek emandako beste diru-laguntza, laguntza, sarrera edo baliabideren bat lortzen bada, gerta liteke diru-laguntza emateko ebazpena aldatzea, zeren foru dekretu honen bitartez araututako diru-laguntzen zenbatekoa, bakarrik zein beste diru-laguntza edo laguntza batzuekin bat eginda (finantzaketa propioa barne), inolaz ere ezin baita izan onuradunak egin beharreko jardueraren kostua baino handiagoa.

IV. TITULUA

DIRU-LAGUNTZEN KUDEAKETA ETA JUSTIFIKAZIOA

14. oinarria.— *Diru-laguntza ordaintzea*

1. Deialdi hau ebazten duen foru agindua Bizkaiko Aldizkari Ofizialean argitaratu eta handik hamar egun baliodunera onuradunak ez badio berariaz eta idatziz eskaerari



uko egiten, ulertuko da onuradunak onartu egin duela, eta Kirol Zerbitzuak diru-laguntza-zenbatekoaren ordainketa izapidetzen hasiko da, Ogasun eta Finantzen Foru Sailean; horretarako, onuradunei ez zaie inolako bermerik eskatuko.

Onuradunen batek edo batzuek emandako diru-laguntzari uko egiten badiote, uko horrek ez du inola ere ekarriko deialdi honen ebazpenaren baldintzak aldatzea.

2. Dirulaguntza ordaindu baino lehen, onuradunek zerga-betebeharrak eta Gizarte Segurantzarekikoak egunean dituztela egiaztatuko da. Halaber, egiaztatuko du ez direla zordun diru laguntza itzuli behar dutela-eta.

Egiazapena egin ondoren ikusten bada onuradunetako batek ez duela betetzen betebeharrak edozein, errekerimendua egingo zaio 10 eguneko epean egoera hori erregulariza dezan, eta ohartaraziko zaio, horrela egiten ez badu, emandako dirulaguntza jasotzeko eskubidea galduko duela.

15. oinarria. — *Hartzailearen ekimenez egindako itzulketa*

1. Martxoaren 23ko 34/2010 Foru Dekretuaren 76. artikuluan xedatutakoaren arabera (dekretu horren bidez, Diru-laguntzen Erregelamendua onesten da, maiatzaren 31ko 5/2005 Foru Araua garatzen duena), onuradunak bere ekimenez itzuli ahal izango du Bizkaiko Foru Aldundiak emandako diru-laguntza, foru erakundeak aurretik hala eskatu gabe.

Halakoetan, Bizkaiko Foru Aldundiak diru-laguntza benetan itzultzen den arte sortutako berandutze-interesak kalkulatuko ditu, aipatutako 76. artikuluan eta 5/2005 Foru Arauaren 34. artikuluan ezarritakoarekin bat etorrira.

2. Entitate onuradunak eskatuta foru diru-laguntza itzultzeko ordainketa-gutun bat erabili behar da. Ordainketa-gutun hori Kirol Zerbitzuaren bulegoetan izapidetuko da, onuradunak eskaera aurkeztu eta gero. Ordainketa-gutunean honako hauek adierazi behar dira: itzuli beharreko zenbatekoa (printzipala eta berandutze-interesak), ereduaren kodea eta diru-sarreraren zergatia, itzuli behar den diru-laguntzari erreferentzia eginda.

3. Onuradunak finantza erakunde batean itzuli behar du diru-laguntza; hori egin ostean, itzulketaren frogagiria aurkeztu beharko da Kirol Zerbitzuan, Bizkaiko Foru Aldundiaren egoitza elektronikoaren bidez.

16. oinarria. — *Justifikazioa*

Foru dekretu honen bitartez araututako diru-laguntzen onuradunek konpromiso hauek bete behar dituzte: diru-laguntza ematea eragin duen jarduera gauzatzea, hots, Bizkaiko lehiaketa-jardueretan edo Heziki hezkuntza-jardueran parte hartzea 2025/2026 denboraldian.

Eman den diru-laguntzaren zenbatekoaren gastuaren erabilera justifikatzea eta jarduera gauzatu dela edo hori lortzeko asmoz jardun dela frogatzea, baita diru-laguntza ematea edo hartaz gozatzea ekarri duten betebeharrak eta baldintzak bete direla ere, kontuan harturik Bizkaiko Foru Aldundia bera dela lehiaketako kirol jarduerok antolatzen dituen, ez da gauzatu beharko dokumentu gehigarriak aurkeztuz, justifikazioak Bizkaiko Foru Aldundiaren Kirol Zerbitzuaren esku egongo baitira diru-laguntza hau esleitu baino lehen.

17. oinarria. — *Diru-laguntzaren onuradunaren beste betebeharrak*

Onuradunek betebeharrak hauek ere izango dituzte:

- a) Diru-laguntza emateko orduan kontuan hartu den edozein alderdi objektibo edo subjektibok aldaketarik izan badu, horren berri ematea Kirol Zerbitzuari, egoitza bidez.
- b) Jardueraren hasiera-dataren eta amaiera-dataren berri ematea Kirol Zerbitzuari, egoitzaren bidez. Halaber, diruz lagundutako jarduera kontrolatzeko, haren jarraipen egiteko edo jarduera ikuskatzeko eginkizunak edo ahalmenak gauzatzeko lanak erraztu beharko ditu.



- c) Euskara, Kultura eta Kiroleko Foru Sailari laguntzea, hala eskatzen bazaio, eta erakundearen gaineko edozein informazio ematea (azterlanak, inkestak, datu estatistikoak, etab.).
- d) Euskara, Kultura eta Kiroleko Foru Sailak, Ogasun eta Finantzen Foru Sailak eta Herri Kontuen Euskal Epaitegiak egiten dituzten egiaztapen-jarduerak onartzea.
- e) Diru-laguntza eman ondoren editatutako material guztietan eta jendaurreko agerpen guztietan, Bizkaiko Foru Aldundiaren babesa jaso dela agerrarazi beharko da; horretarako, Bizkaiko Foru Aldundiaren erakunde-irudian ezarritako elementuak baliatuko dira, nahitaez, eta logotipoaren aldamenean esaldi hau agertuko da hitzez hitz: «Bizkaiko Foru Aldundiak babestutako ekintza/Actividad subvencionada por la Diputación Foral de Bizkaia».
Euskara hutsez garatutako proiektuetan, gainera, Euskararen Txantxangorriaren irudia agertu beharko da.
- f) Euskal Autonomia Erkidegoko bi hizkuntza ofizialak erabiltzea diru-laguntzaren xede den jardueraren publizitatean eta hedapenean, bai euskarri grafikoan, bai ikus-entzunezko baliabideetan (era guztietako iragarkiak, kartelak, liburuxkak, etab.). Halaber, euskara erabili beharko du diruz lagundutako jardueraren ondoriozko esku-hartze publiko guztietan, Bizkaiko Foru Aldundiaren, haren erakunde autonomoen eta foru-sektore publikoaren jardun-eremuan hizkuntza ofizialak erabiltzeko irizpideak ezartzen dituen maiatzaren 28ko 63/2019 Foru Dekretuaren 13. artikuluan ezarritakoaren arabera.
- g) Emakume eta gizonen berdintasuna sustatzea honako arlo hauetan: lanpostuak definitzea, horiek lortzea, kontratazioa eta iraungitzea, lanbide-sailkapena, sustapena, prestakuntza, segurtasuna eta osasuna lanean, ordainsarien politika, erantzunkidetasuna eta bizi pertsona, familiar eta lanekoa bateragarri egitea, lanaren kalitatea eta egonkortasuna, lanaldiaren iraupena eta antolaketa eta sindikatu-ekintza, ordezkartza eta negoziazio kolektiboa. Hala, lan-baldintza duin, zuzen eta diskriminaziorik gabekoak ziurtatuko dira.
- h) Emakumeen eta gizonen tratamendua, protagonismoa eta balorazioa balioki-deak izan daitezen zaintzea, eta berdintasuna, presentzia orekatua, dibertsitatea, erantzunkidetasuna, eta generoaren rol eta identitateen aniztasuna balio dituen irudi bat sustatzea idatzizko zein ahozko komunikazioetan, ikonografian, publizitate-ekintzetan, barruko zein kanpoko komunikazio formal eta informalean, eta proiektuari edo jarduerari lotutako edo proiektua edo jarduera egiteko sortutako materialetan.
- i) Diruz lagundutako proiektua gauzatzen den bitartean, ez erabiltzea hizkera sexistarik dokumentuetan, ikus-entzunezkoetan eta gisakoetan (idatzizkoetan zein digitaletan), eta pertsoneri buruzko edozein estatistikatan datuak sexuaren arabera bereiz jasotzea, hala ezartzen baitu arlo horretan gorde behar diren printzipio nagusiak jasotzen dituen Emakumeen eta Gizonen Berdintasunerako ekainaren 20ko 4/2018 Foru Arauaren 3 artikulua.
- j) Sexu-askatasunaren eta laneko osotasun moralaren aurkako delituak eta beste jokabide batzuk saihesteko lan-baldintzak sustatzea, bereziki sexu-jazarpena eta sexuan oinarritutako jazarpena azpimarratuz, eremu digitalean egindakoak barne.
- k) Bizkaiko Foru Aldundiari dohainik eta eskusibitaterik gabe lagatzea aurkeztutako dokumentazioan dagoen informazio tekniko eta grafikoa erabiltzeko eskubidea, informazio hori zabaltzeko edo/eta argitaratzeko, edozein baliabide edo formatu bibliografiko, ikus-entzunezko edo informatiko erabiliz edo teknikaren erabilerak ahalbidetzen duen beste edozein erabiliz.
- l) Edozein kasutan ere, onuradunak beste interesdun batzuen aurretik eman behar dio lehentasuna Foru Aldundiari, diruz lagundutako esku-hartzeari buruzko memoria argitaratzeko.



- m) Haurrak eta nerabeak indarkeriaren aurrean erabat babesteari buruzko ekainaren 4ko 8/2021 Lege Organikoaren 48. artikulutik eratorritako betebeharrak betetzea.
- n) Enpresa-arloan diharduten elkarte eta fundazioen kasuan, deslokalizaziorik ez egitea, gaia arautzen duen foru-araudian xedatutakoa aplikatuz.
- o) Bizkaiko Foru Administrazioak emandako diru-laguntzen araubide juridiko orokorra arautzen duen 2005eko maiatzaren 31ko 5/2005 Foru Arauaren 13. artikuluan eta Bizkaiko Foru Aldundiaren 2010eko martxoaren 23ko 34/2010 Foru Dekretuaren bidez onetsi den Diru-laguntzen Erregelamenduaren 54. artikuluan eta hurrengoetan ezarritako gainerakoak.

18. oinarria. — Itzulketa

1. Jasotako dirulaguntza eta dagozkion berandutze-interesak itzuli beharko dira, baldin eta aurreko oinarrietan ezarritako betebeharren bat edo batzuk betetzen ez badira edo Foru Administrazioak emandako diru-laguntzen araubide juridiko orokorra arautzen duen maiatzaren 31ko 5/2005 Foru Arauaren 33. artikuluan edo Bizkaiko Foru Aldundiaren martxoaren 23ko 34/2010 Foru Dekretuaren bidez onartutako Diru-laguntzen Erregelamenduan aurreikusitako kausaren bat gertatzen bada, besteak beste:

- a) Diru laguntza lortzeko, bete beharreko baldintzak faltsutu edo laguntza jasotzea galaraziko luketen datuak ezkututzen direnean.
- b) Xedea, jarduera, proiektua edo diru-laguntza emateko funtsa den jokaera oso-osorik edo zati batean betetzen ez denean.
- c) Justifikazioaren betebeharra ez betetzea.
- d) Diru laguntza nahiko edo behar bezala justifikatzen ez bada, justifikatu ez den diru laguntzaren zatia eta sortutako berandutze-interesak itzuli beharko dira, horretarako Bizkaiko Foru Aldundiko Kirol Zerbitzuak eskaera egin ondoren.
- e) Dirulaguntza horretarako eskatutako baldintzak bete gabe lortu bada.
- f) Foru dekretu honetan ezarritako gainerako baldintzak ez betetzea.

2. Diru laguntza jaso duen jardueraren kostua baino finantzazio gehiago jasotzen bada, diru laguntza itzuli beharko da.

Halaber, enpresen kasuan, itzulketaren arrazoi izango da enpresa-deslokalizazioaren deklarazioa, gaia arautzen duen foru-araudian xedatutakoa aplikatuz.

Dirua itzultzeko prozedura dirulaguntzak arautzen dituen araudi aplikagarrian xedatutakoaren arabera izapidetuko da.

19. oinarria. — Datu pertsonalen babesa

Aplikatu beharrekoa izango da Datu Pertsonalen Babesari eta Eskubide Digitalen Bermeari buruzko abenduaren 5eko 3/2018 Lege Organikoa, eta aurrekoetan xedatzen ez denerako edo aurrekoen ordeztatu aplikatu beharreko gainerako araudia.

20. oinarria. — Aurrekontuko partida

1. Deialdi honetako diru-laguntzak emateko 2026. urtean indarrean dagoen aurrekontu-muga honako hau da: bostehun eta hirurogeita hamabi mila seiehun eta laurogeita hemeretzi euro eta hirurogeita hamar zentimo (572.699,70 euro), honela banatuta:

- a) Bostehun eta hamahiru mila seiehun eta laurogeita hemeretzi euro eta hirurogeita hamar zentimo (513.699,70 euro), 2026ko ekitaldiko G/0403/341108/45100/0000_2007/0134 aurrekontu-partidaren kargura, eskola, guraso elkarte, kirol erakunde eta kirol arloko udal fundazio publikoentzat (irabazi asmorik gabeko erakundeak).
- b) Berrogeita hamaika mila euro (51.000,00 euro), 2026ko ekitaldiko G/0403/341108/44300/0000_2007/0134 aurrekontu-partidaren kargura, partaidetzarik gabeko entitateentzat.



- c) Zortzi mila euro (8.000,00 euro), 2026ko ekitaldiko G/0403/341108/43299/0000_2007/0134 aurrekontu-partidaren kargura, udalentsat eta udalek kirolaren arloan dituzten udal organismo autonomoentzat (udalerrriak eta tokiko erakundeak).
2. Banaketa hori gutxi gorabeherakoa izango da, eta, Diru-laguntzen Erregelamendua onartzen duen Bizkaiko Foru Aldundiaren martxoaren 23ko 34/2010 Foru Dekretuaren 43. artikuluan 4. eta 5. zenbakien arabera, Euskara, Kultura eta Kiroleko foru diputatuaren foru agindu bidez deialdia ebatzi baino lehen aldatu ahal izango da. Kreditu erabilgarrien behin betiko deklarazioa zein kredituon banaketa Bizkaiko Aldizkari Ofizialean argitaratuko dira, dagozkien gastu-espediten aldaketak egin ondoren. Horrek, baina, ez du ekarriko ez eskabideak aurkezteko epe berri bat irekitzea ez deialdia ebazteko epe berri bat hastea.
3. Deialdiko eskabide guztiak ebatzi ondoren, guztira diru-laguntzetarako emandako diru kopurua aurrekontu-muga baino txikiagoa balitz, gastu-baimenaren ezeztatena tramitatuko litzateke, soberan den zenbatekoan.